



 **Valosolutions**

RODES VAL BADIA 2024

Associazione sportiva dilettantistica


©Fotografies:

Igor Tavella, Ilse Tavella,
Franz Wieser

Foto söl cuertl dancá:
Jogn sön le Pump Track a Badia

Rodes Val Badia Raiffeisen
Associazione sportiva dilettantistica
Str. Pedraces, 43
39036 Badia (BZ)
Tel. 0471 839735
E-mail: info@rodesvalbadia.org
Web: <http://www.rodesvalbadia.org>

*I reingraziun y dijun
giulan a nüsc sponsors*



Raiffeisen

Cassa Raiffeisen Val Badia

www.valbadiaonline.it




TERMO DAPOZ
IMPIANTI TERMOSANITARI



Membri dl Consëi diretif dal 2022 al 2026



Presidënt

Ilse Tavella



Consëi

Lois Craffonara



Vizepresidënt

Werner Pescosta




Consëi

Raimund
Rungger




**Secreter y
cassier**

Igor Tavella



Consëi

Daniel Rungger



Consëi

Franz Wieser

Revisurs di cunc:

- Giovanni Rubatscher
- Otto Vittur
- Nikolas Seppi

Responsabl “Safeguarding”:

- Marc Tavella

Contat:

Rodes Val Badia Raiffeisen ASD - Str. Pedraces, 43 - 39036 Badia (BZ)

Tel. 0471 839735 - www.rodesvalbadia.org - info@rodesvalbadia.org

Relaziun dla Presidënta Ilse Tavella

Stimá atlec/atletes, mēmbri
y simpatisanc.

Da ciarē derevers pón dí ch'al é indò sté
n bel grup de mitans y mituns che tratan
la sajun 2024 á tut pert dót isté ai
alenamēnc y ales incuntades pitades dal
Club Rodes Val Badia.

Da fá i alenamēnc é mitans y mituns dai 6
ai 14 agn partis sò te de plü grups, aladò
dl'eté y dl savēi. L'alenadú Marc Tavella
i á acompagné dót isté, ciaran da ti lascé
fá vigni iade n pü' d'ativités por ch'ai
podess insciö mioré sides la tecnica co la
dorada. Important êl sambēgn che
vignöna y vignun podess ince se devertí y
sté adöm te n bel grup.

Te de plü posé fora por Südtirol unse tut
pert a competiziuns de Cross country,
slalom y easy down organisades dal VSS.
I plü competitifs á insciö podü se mosoré
cun d'atri mituns che fej ativité cun la
roda. An vëiga bele da pici ci gran
pasciun y motivaziun ch'ai á da fá i
alenamēnc y les gares. Ales gares de
Südtirol Cup á spo ince tut pert chi
manco jogn: danter chisc é Igor Tavella
rové de plü iadi sön le podest te süa
categoria.

Sc'i restun pro i gragn podunse ciamó
recordé la partezipaziun al „Giro di
Sardegna“ ala fin d'aurí, na manifesta-
ziun partida sò te sis tapes a Orosei. Te
chësc contest á nüs atlec ince tut pert ala
proa de gravel, che varô coche gara de
qualificaziun por tó pert ai Campionac
mondiai tl Belgio. Te chësta gara á Franz
Wieser stlüt jö al 2° post dla categoria
Elite y Susann Tavella, che é indò n iade
stada tl dër post tl dër momënt, á arjunt le
pröm post te süa categoria.



No ma cun la roda fora por i trus y tla
natöra: en chësc ann s'á nosc atlet Rafael
Tavella mosoré te de plü gares cun la
roda da strada, che é dót val' d'ater co les
gares cun la roda da munt.

Ai 21 de setēmbër unse spo stlüt jö nosta
ativité cun n de de devertimënt cun la
roda. Te chë ocasiun unse podü porvé fora
le Pump Track nü a San Linert. Gragn y
pici coriusc á porvé fora na disciplina che
n'é nia ciamó tan conesciüda chiló da
nos, mo che á bele ince n campionat
mondial. Ara vëgn ince aratata la
disciplina prinzipala por s'arjigné ca al
BMX, che é n sport olimpich.

Le Pump Track nü a San Linert é le post
ideal por imparé che da jí cun la roda n'ól
nia ma ester druché sön i pedai, mo che jí
cun la roda ó dí adoré dót le corp. Al é
valch che, n iade ch'an l'á imparé da
mituns, dëida ince da rové inant pro
tröpes d'atres ativités sportives. I nes
audun che tröc s'anuzëies de chësc bel
parch tl dagní.

Ilse Tavella
Presidënta

**Susann Tavella 1° Categoria MW
Franz Wieser 2° Categoria Elite
mostra les medaies de qualificaziun
por i mondiai Gravel**



Relazione della Presidente **Ilse Tavella**

Cari atleti/atlete, membri e simpatizzanti.

Guardando all'anno trascorso, si può affermare che ancora una volta un bel gruppo di bambine e bambini ha partecipato agli allenamenti e agli incontri organizzati dal Club Rodes Val Badia.

Durante gli allenamenti, le bambine e i bambini dai 6 ai 14 anni erano suddivisi in gruppi in base all'età e al livello di capacità. L'allenatore Marc Tavella li ha accompagnati per tutta l'estate, cercando di far fare loro ogni volta un po' di attività per migliorare sia la tecnica che la resistenza. Era importante che ognuno potesse anche divertirsi e socializzare.

I giovani atleti del Rodes Val Badia hanno partecipato a diverse competizioni di cross country, slalom e easy down organizzate dal VSS in vari luoghi dell'Alto Adige. I più competitivi hanno così avuto l'opportunità di confrontarsi con altri bambini che praticano attività ciclistica. Fin da piccoli, si può notare la grande passione e la motivazione con cui si allenano e partecipano alle gare. Alle competizioni del Südtirol Cup hanno partecipato anche atleti più maturi: tra questi, Igor Tavella è salito più volte sul podio nella sua categoria.

Rimanendo nell'ambito degli agonisti adulti, ricordiamo la partecipazione di Igor Tavella al Giro di Sardegna, che si è svolto alla fine di aprile a Orosei e che era suddiviso in sei tappe. In questa occasione, i nostri atleti hanno partecipato anche alla prova di gravel, valida come gara di qualificazione per partecipare ai Campionati mondiali in Belgio.

In questa gara, Franz Wieser si è classificato al 2° posto nella categoria Elita e Susann Tavella, ancora una volta nel posto giusto al momento giusto, ha vinto la sua categoria.

Non solo su strada e in mezzo alla natura: quest'anno il nostro atleta Rafael Tavella si è cimentato in diverse gare di ciclismo su strada, discipline completamente diverse dalle gare di mountain bike.

Il 21 settembre abbiamo concluso la nostra attività con una giornata all'insegna del divertimento in bicicletta. In tale occasione abbiamo avuto l'opportunità di provare il nuovo Pump Track a San Leonardo. I più piccoli hanno avuto modo di cimentarsi in una disciplina ancora poco conosciuta in Italia, ma che ha già il suo campionato mondiale. Questa disciplina è considerata anche come preparazione al BMX, uno sport olimpico.

Il nuovo Pump Track di San Leonardo è il luogo ideale per imparare che andare in bicicletta non significa solo spingere sui pedali, ma usare tutto il corpo. Se imparata da bambini, questa pratica può rivelarsi utile anche in molte altre attività sportive. Ci auguriamo che in futuro molti si avvalgano di questo bel parco.

Ilse Tavella
Presidente

I numeri di 2024



Scric ite al
Rodes Val Badia: 136

Mëmbri sostignidus: 51

Atlec scric ite ala Federaziun:
85
16 ères - 69 èi

Atlec sura i 18 agn: 57

Atlec sot i 18 agn: 28

Ativité cun i mituns:

Grups de alenamënt: 3

Numer di alenamënc: 43

Presënzes ai alenamënc: 138

D'atres ativités

Proiet *Jí cun la roda* cun les
scolines. Partecipanc: 52



Nina Huber en aziun a Tlùses



Classifica segmënc **STRAVA** che vel por l'assegnaziun de punc por le campionat sozial 2024. I punc ti é gnüs assegná a düc i atlec che á dé jö ala fin dl ann le formular olach'al ê da dé dant les gares.

Por tó pert a chësta classifica por la sajun 2025 bastel da se scrí ite sön **STRAVA** y spo chirí le club **Rodes Val Badia - Raiffeisen** a chësc coliamënt: <http://www.strava.com/clubs/rodes-val-badia-raiffeisen>

Regolamënt 2025:

- Al gnará fat 2 classifiches, öna por les ëres y öna por i ëi
- Al vëgn assegné i punc cina al 10° classifiché:
10 punc al pröm, 9 al secundo y i.i.
Dal 11ejim post inant vëgnel assegné 1 n punt
- Al é 2 segmënc fisc fora por döt l'isté
1 por roda sön strada: **Punt de Fer SPRINT**
1 por roda da munt: **Damez - Punt d'Altin**
- Por i mëisc de jügn, messé, agost y setëmber gnarâl prejenté sön nosc sit y/o sön le canal Telegram le *segment dl mëis* che vel ma por chël mëis.
Important: Por rové tla classifica mëss i segmënc gní fac anter i 28 de vigni mëis.

Punt de Fer SPRINT



Damez - Punt d'Altin



Segmënc **STRAVA** 2024:

1.	Punt de Fer Sprint	Roda da strada	
2.	Damez -> Alting	MTB/Gravel	
3.	Reba -> Ciaulunch	Roda da strada	Jügn
4.	Valgiarëi -> Pre Comun	MTB/Gravel	Jügn
5.	Larcenëi -> Castalta	Roda da strada	Messé
6.	Capanna Nera -> Marmotta	MTB/Gravel	Messé
7.	Da Bocá a Bocá	Roda da strada	Agost
8.	Pasciantadú -> La Crusc	MTB/Gravel	Agost
9.	Sompunt -> Lech da Sompunt	Roda da strada	Setëmber
10.	Armentarola -> Störes	MTB/Gravel	Setëmber



Classifica STRAVA 2024:

[illegible]



Josephine Craffonara

Classifica Campionat sozial 2024

		Punc gares	Punc FCI	Punc STRAVA	Punc indöt	Gares
1	Franz Wieser	248		100	348	12
2	Igor Tavella	103	15	63	181	11
3	Günther Frena	86		70	156	4
4	Rafael Tavella	50		64	114	16
5	Lois Craffonara	45		30	75	10
6	Antonio Crazzolara	43		30	73	3
7	Susann Tavella	54			54	7
8	Albert Sottrovisch	31		22	53	4
9	Veronika Pedevilla	2		50	52	2
10	Hans Trebo	46			46	6
11	Diego Arcieri	10		36	46	1
12	Marco Rossini	4		32	36	1
13	Gabriel Tavella	34			34	3
14	Samuel Arcieri	33			33	5
15	Andreas Pescoll	13		18	31	2
16	Marc Tavella	20		8	28	1
17	Hans Peter Obojes	27			27	2
18	Josephine Craffonara	26			26	2

19	Franco Furgler	25			25	1
	Daniel Rungger	25			25	1
	Emanuel Lerchegger	25			25	1
	Edoardo Pescosta	25			25	1
23	Stefano Pezzei	22		2	24	2
24	Jan Craffonara	21			21	2
25	Jan Eisenstecken	20			20	1
	Marc Pedratscher	20			20	1
	Luigi Frenademetz	3		17	20	3
28	Werner Pescosta	16			16	6
	Ivan Somadossi	16			16	1
30	Josef Costner	11		2	13	1
31	Raimondo Promberger	12			12	2
32	Markus Winkler	11			11	1
33	Klaus Irsara			9	9	
34	Alessio Cadorin	3		6	9	3
35	Raimund Rungger	8			8	1
36	Giuseppe De Marc	1		5	6	1
37	Francesco Biondini	2		2	4	2
38	Luca Aricó			2	2	
39	Matî Tolpeit	1			1	1
	André Mersa	1			1	1
	Jonas Clara	1			1	1
	Simon Tirel	1			1	1
	Francesco Fiung	1			1	1
	Emil Tavella	1			1	1
	Manfred Mölgg			1	1	

**Wieser Franz tratan la
gara da jí sò pert
*Mendelrace 2024***



**Momënc tratan le proiet Jí cun la roda
cun les scolines dl'Alta Badia:**







Raiffeisen





2025

- **Tesseramënt**
- **Guant sozial**
- **Imprëst pulmin**
- **Campionat sozial**
- **Maratona dles Dolomites-Enel**
- **5x1000 y sponsorisaziuns**

Matì Tolpeit a Tlùses

Tesseramënt 2025

Por renové o fá n tesseramënt nū
bastel jí sön les plates internet
www.rodessvalbadia.org y jí do ales
istruziuns dades dant.

I recordun che por I tesseramënt
por fá gares adorun ince:

Zertificat dl dutur:

- Mituns cina 12 agn y zicloturisc
mëss fá n “ECG” te ospedal y ti
al porté al dotur de familia adöm
cun le formular ch’an ciafa tl’area
personala dla plata internet
rodessvalbadia.org
- Por les categories agonistiches
adorun le zertificat dl dotur dl
sport. Por fá la vijita a inom dl
Rodes Val Badia - Raiffeisen
pón dejciarié jö le formular
online.

Contac seziun medejina sport:

Ospedal Bornech
Sorvisc medejina dl sport
0474 100100 (sorvisc Sabes)
sportmedizin@sb-bruneck.it

Cosc tesseramënt:

- | | |
|--------------------------------------|---------|
| • Mëmber/Sostignidú | 20,00 € |
| • Giovanissimi M/F
da 7 a 12 agn | 45,00 € |
| • Esordienti M/F
da 13 a 14 agn | 45,00 € |
| • Allievi M/F
da 15 a 16 agn | 45,00 € |
| • Junior Sport M/F
da 17 a 18 agn | 70,00 € |
| • Elite Sport M/F
da 19 a 29 agn | 80,00 € |
| • Master M/F
da 30 agn insö | 80,00 € |





Samuel Arcieri

Guant sozial

I atlec che se scrí ite le pröm iade al **Rodes Val Badia - Raiffeisen** pó cumpré i set de quant a n mēnder prisc. I set de quant pëia ia dal base por 160,00€, atleta por 220,00€ y race por 320,00€

I atlec che á bele n iade ciafé döt le quant pó tres gní a cumpré i singui toc de quant ch'ai adora.

An pó ince se scrí ite al Rodes Val Badia-Raiffeisen zënza cumpré le quant sozial. Chisc atlec ne pó indere nia tó pert:

- ala classifica dl campionat sozial
- ala retüda dles spëises de partezipaziun ales gares
- a d'atres alisiraziuns rerservades ai atlec dl Club Rodes Val Badia-Raiffeisen.

Al vëgn regolamenté la poscibilité de avëi n sponsor personal sön le quant sozial sciöche pezes cun l'inom de n sponsor:

- La grandëza dla peza cun l'inom di sponsors sön la malia ne pó nia ester plü grana co 12 cm (larghëza) por 9 cm (altëza)
- Al ne pó nia gní curí i sponsors ofiziai dl Rodes Val Badia
- Le sponsor ne pó nia ester en concorënza cun i sponsors dl Rodes Val Badia - Raiffeisen.

Prisc dl quant toc singui:

- Malia da manies cörtes 60,00€
(b,a,r)
- Braia 85,00€
(b,a,r)
- Cialzines 20,00€
(b,a,r)
- Malia por le soius 40,00€
(a,r)
- Gilet Gore-Tex 70,00€
(a,r)
- Malia manies lunges 65,00€
(r)
- T-Shirt do gara 30,00€
(r)
- Braia cörta do gara 50,00€
(r)
- Body 170,00€

Guant por i mituns:

I mituns cina 12 agn che se scrí ite le pröm iade al Rodes Val Badia - Raiffeisen ciafa le set de quant cun 1 malia, 1 braia y 1 malia da manies lunges por le prisc alisiré de 80,00 €

La lista di toc singui:

- Malia 35,00€
- Braia 50,00€
- Malia da manies lunges 45,00€

Hofer Profi Shop
Dein Markt



Regolamënt por s'impresté fora le pulmin dl Club Rodes Val Badia

Le pulmin dl Club Rodes Val Badia - Raiffeisen é a desposiziun de düc i atlec en regola cun l'iscriziun y le tesseramënt. Por l'imprèst di pulmins velel chëstes regoles:

Prezedënza:

La prezedënza por l'imprèst dl pulmin á:

- i atlec che tol pert a manifestaziuns por mituns cina 17 agn.
- le grup de atlec plü gran che tol pert a na manifestaziun;
- i atlec che tol pert ala manifestaziun plü dalunc.

Spëises y cosc:

- Por la partezipaziun a manifestaziuns dl VSS, al Südtirol Cup y a d'atres manifestaziuns olach'al vëgn acompagné mituns cina 17 agn él le Rodes Val Badia-Raiffeisen che surantol dotes les spëises;
- por tó pert a d'atres manifestaziuns ti vëgn le pulmin surandé al autist cun le tanch plëgn y mëss ince gní porté zoruch cun le tanch plëgn. Al vëgn damané da mostré sò la zetola ch'al é gnü fossené plëgn te öna dles staziuns dal penzin plü daimpró dala sënta dl Club;
- sce le pulmin vëgn adoré por plü de 2 dis vëgnel araté 10,00 € al de dal terzo de che le pulmin é demez.

Impresté le pulmin zënza tó pert a val' manifestaziun:

Sce le pulmin é a desposiziun pó i mëmbri scric ite al Rodes Val Badia le tó ca ince sc'ai ne l'adora nia da jí a na gara a chëstes condiziuns:

- che le pulmin sides lëde y porchël a desposiziun;
- i cosc é chi che é bele dá dant dessura;
- por rovène le pulmin mësson avèi almanco 3 agn la patent;
- la porsona che s'imprèsta y che rovènn le pulmin surantol dotes les responsabilités.
- en caje de inzidènt, mëss la porsona che gaujëia le dann le païé y surantó le cost dla *franchigia* dl'assicuraziun sciöche ince païé l'imprèst de n ater pulmin por podèi jí inant ales gares.

Canch'al vëgn impresté n pulmin periunse da le porté zoruch nët!



Igor Tavella a Panchiá

Campionat sozial 2025

Assegnaziun di punc

Por vigni manifestaziun sön roda olach'al vëgn fat ala fin dla manifestaziun na classifica garantida da na iuria ciafon chisc punc por la classifica dl camponat sozial:

1° - 25 punc	2° - 20 punc
3° - 15 punc	4° - 12 punc
5° - 10 punc	6° - 8 punc
7° - 6 punc	8° - 4 punc
9° - 2 punc	10° -> 1 punt

Chi che tol pert a „granfondo“ sön strada o cun la roda da munt ciafa lapró chisc punc aladô dla lunghëza dl percurs che é gnü fat:

Roda da munt: da 45 a 69 km	5 punc
sura 70 km	10 punc

Roda da strada: da 130 a 175 km	10 punc
sura 176 km	15 punc

Les manifestaziuns dla categoria Gravel vëgn aratades sciöche roda da munt.

Punc de valorisaziun FCI:

A vigni atlet che tol pert a gares dla FCI tla categoria Top Class ti vëgnel assegné „punc de valorisaziun“. Ala fin dla sajun vëgnel ince cumpedé adöm chisc punc por la classifica dl camponat sozial.

Rodes Val Badia-Raiffeisen STRAVA Challenge

I atlec che fej pert dl Club Rodes Val Badia-Raiffeisen y é registrá a STRAVA podará ince tò pert al'assegnaziun de d'atri punc por le camponat sozial. De plü informaziuns tles plates cun la descriziun de Strava.

Atlec che á ma punc STRAVA zënza partezipaziuns a gares ne tol nia pert ala retüda dles spëises d'ativité.



Luca Aricó



Rafael Tavella a Balsan

Retüdes por la partezipaziun a gares:

Vigni atlet che tol pert a gares de roda por le Club Rodes Val Badia-Raiffeisen ciafa na retüda de 10,00€ por vigni manifestaziun a chëra ch'al á tut pert. Chësta regüda ne vel nia por gares VSS y de Südtirol Cup por les categories di jogn (cina ai Junior Sport).

Pro chësta retüda gnarál partí sö, söla basa dla classifica dl campionat sozial na soma fata fora dal Consëi diretif söla basa de ci che resta dal bilanz de nosta assoziaziun.

La soma vëgn partida sö en proporziun ai punc che vigni atlet á abiné adöm tratan l'ann söla basa di plazamënc dá jö. Al ti vëgn retü valch a düc i atlec che á abiné adöm almanco l'1% di punc totali.

Ejempl:

Soma da partí sö = 500,00 €

1. Igor	300 punc	36%	180,00€
2. Werner	280 punc	34%	170,00€
3. Susann	130 punc	15%	75,00€
4. Raimund	80 punc	10%	50,00€
5. Otto	30 punc	4%	20,00€
6. Eduard	10 punc	1%	5,00€
7. Franz	2 punc	0,2%	—

Important:

La soma pó ma gní retüda sc'al vëgn dé jö i documënc che desmostra la spëisa ch'an á albü da fá l'ativité. Sce la soma partida sö dal campionat sozial é majera co i documënc dá jö, vëgnel ma retü la

soma totala che resultëia dai documënc.

Ci documënc vel pa por la retüda?

- Soma spenüda por la mondur ofiziala dl Rodes Val Badia - Raiffeisen
- Soma spenüda por le tesseramënt ala FCI
- Soma spenüda por la vijita dal dotur
- Spëises de iscriziun a manifestaziuns da jí cun la roda
- D'atres spëises che vëgn azetades dal consëi diretif sciöche varëntes por la retüda.

Estlujuns:

Por les retüdes de partezipaziun ne gnarál nia tigní en conscidraziun i atlec che:

- N'é nia apost cun le tesseramënt y á le zertificat dl dotur scadü.
- N'á nia scrit fora i resultac tla seziun personala sön rodesvalbadia.org;
- Ne s'á nia scrit ite ales manifestaziuns sot l'inom „Rodes Val Badia – Raiffeisen“ (al vëgn tut en conscidraziun l'inom sön les classifiches);
- Ne s'á nia vistí le quant nü dl Rodes Val Badia-Raiffeisen tratan la gara y tratan la premiaziun;

Maratona dles Dolomites - Enel:

Le Rodes Val Badia-Raiffeisen ciafa dal comité dla manifestaziun n numer limité de iscriziuns che vëgn spo assegnades do chisc criters:

- L'atlet mëss avèi fat la preiscriziun ala Maratona dles Dolomites-Enel;
- Sc'al n'é nia gnü trat fora ala niza spo gnará les iscriziuns partides sò aladò dla classifica dl campionat sozjal. En iade che i posc é gnüs assegná y sc'al ess da resté iscriziuns ti gnará chëstes dades a:
- atlec scric ite al Rodes Val Badia Raiffeisen che á fat la preiscriziun ala Maratona dles Dolomites-Enel mo n'á nia dé jö le formular dles gares por le campionat sozjal.

Sc'al restass spo ciamó iscriziuns, gnará chëstes partides sò danter i mëmbri bele stá n iade scric ite al Rodes Val Badia - Raiffeisen y dedò danter i mëmbri nüs. L'iscriziun messará gní fata anter le termin dla regularisaziun dles iscriziuns dé dant dal comité dla Maratona dles Dolomites.



Franz Wieser döl l Mür dl Giat

5x1000 Rodes Val Badia
Valch che vá saurí y che dá
na gran man.

Por mené inant l'ativité dl Rodes Val Badia-Raiffeisen n'adorunse nia ma l'aiüt de tröpes porsones che dá ca so tēmp por l'ativité di jogñ. Zēnza la monēda stēnton da mené inant dōta la mascin organisativa che é la basa de nosta associazion.


Cun le 5x1000 bastel na firma, na firma che é na picera gota y deplü de chēstes gotes pó fá fora n bel pice gröm.

5X1000

Codice Fiscale

02430670212

I scioldi che vėgn ite vigni ann tres le 5x1000 vėgn dūc adorá por l'ativité sportiva di jogñ.



Sponsorisé o daidé economicamënter

SPONSOR PRINZIPAL

L'inom dl sponsor é tla pröma posiziun (p.ej. SPONSOR Rodes Val Badia). Inom che vëgn adoré por döttes les iscriziuns ales manifestaziuns y i comunicac ofiziai. Le sponsor ciafa le logo tla posiziun prinzipala sön le quant personalisé dl Rodes Val Badia.

Dorada contrat: 3 agn
Cost: 7.500,00 €/ann

SPONSOR SECUNDAR

L'inom dl sponsor é tla secunda posiziun (p.ej. Rodes Val Badia SPONSOR). Inom che vëgn adoré por döttes les iscriziuns ales manifestaziuns y i comunicac ofiziai. Le sponsor ciafa le logo tla posiziun prinzipala sön le quant personalisé dl Rodes Val Badia.

Dorada contrat: 3 agn
Cost: 5.500,00 €/ann

SPONSOR QUANT RODA Y TÈMP LÈDE

Le logo dl sponsor vëgn stampé sön la malia da jí cun la roda y le quant da tèmp lède adoré por les premiaziuns.

Dorada contrat: 3 agn
Cost: 2.000,00 €/ann

SPONSOR PULMIN

Pulmin Mercedes:

Le pulmin che é plü gonot incërch y sön chël ch'al vëgn lascé la lersch por max. 2 sponsors che vëgn metüs sön i üsc dant.

Dorada contrat: 3 agn
Cost: 1.000,00 €/ann

AIÜT DE BONA MAN

Na donaziun de bona man fej tres plajëi y nes dëida da porté inant l'ativité. La soma pó gní metüda sön le cunt dl Rodes Val Badia-Raiffeisen cun la diziun „donaziun“. Derevers ciafon n gran Giulan!

Cost: 1,00€ insö

Cunt bancar por donaziuns:

Cassa Raiffeisen Val Badia
IT 29 O 08010 58180 000302013941



